

მშვენიერი პატრონები

იუმორისტ.
ჟურნალი

№ 20

გ ა ნ ს ა ც ღ ე ლ ი



ორი სატრო.

ხელში რო კალამს ავიღებ,
თვალთ წინ მიდგება
ეს ორი:

— მუზა—(ედემის მშვენება!!!)
და საყვარელი—ცენზორი—
ვეტრფი ერთს.
ვეტრფი მეორეს!!
(მიტოკავს გული, წყეული!)

და ვიტანჯები,
და ვიწვი,
ტრფობისგან ვადარეული!..
რომელს მივენდო?
არ ვიცი...
ამა, თუ იმა მხარესა?!
ოჰ, რა გენიის ცეცხლი მწვავს!
ოჰ, რა ქირს ვზიდავ მწარესა!!

მუზას ვეუფლო?
მაშინ ხომ
უნდა ვსთქვა ზრახვა გულისა
და აღვაფგინო სასახლე
იმედის, დაკარგულისა?!
მაშინ ხომ უნდა ავყარო
ბორკილი მძიმე, ენასა,
ხომ უნდა მივსცე
გზა ვრცელი
ფარულ გულისთქმათ დენასა?
ხომ უნდა ვსწერო მაშინ ის,
რაც გულს ღრმად ჩამიკვევრია,
რაც ენის წვერზე არ მჯდარა
რაც ჯერ არ დამიწვრია?
ხომ უნდა შევსძრა ღიდის ხნის
ხავს მოდებული ბანაკი?
და რომც სურვილმა წამიღოს
შევსძლებ ამ საქმეს
განა კი???

ცენზორს მივენდო?
მაშინ ხომ
მუზამ შორს პირი იბრუნა,
უჭირისუფლო ეშმაკზე
მარტო ცენზორმა იზრუნა?
მაშინ ის მეტყვის:
— ეშმაკო!
ვბედავ აზრს ველარ მალამო,
შენს ენას
კლიტე სკირია...
ნაწერს —
წითელი მალამო...
აჰხან-ჩაჰხანავს აქა-იქ...
ოთხკუთხად,
ჯვარედინათა

და თეთრი არე დარჩება,
სად ლექსი იყო წინათა.
ვერა, ვერა ვიქმ ავ საქმეს...
მე სამი სატრფო მქირია
მე მუზაც მიყვარს, ცენზორიც..
(და ცენზორთან ხომ ჩხირია!)

ავიღებ კალამს თუ ზრა,
წინ დამიდგება ეს ორი:
— მუზა — (უტკბესი ყოვლისა!)
და გულის სატრფო — ცენზორი —
ვეტრფი ერთს,
ვეტრფი მეორეს!
ქირსა ვქამ ამას, იმასა
თვალზე არ მშრება კურცხალი
კრემლის ვაწვიმებ წვიმასა!
მაგრამ არ იქნა,..
არ იქნა,..
ვერ შევთანხმებ ეს ორი:
ხან მუზა მიბღვერს მრისხანე,
ხან კი,
ბატონი ცენზორი!

ღმერთო! ჰა ღმერთო ძლიერო!
მაკმარე ტანჯვა ესდენი...
ან შეათანხმე როგორმე,
და შეარიგე ეგენი!..

ეშმაკი.



ჯოჯობეთში.

მთა-ტყის კალთებში ჩაღვრემილ სოფელს
თავს დასცქეროდა კლდე-ქედის ზღუდე;
ზედ ცრემლად მომსკდარ რუების პირათ
ქობები სჩანდენ, ვით მერცხლის ბუდე.

ერთ იმათგანში ცოფ-მორჩეული
ბუბუბებ გლეჯით მსთქვამდა დედა
„შვილს დედის ერთას ოჯახის სანჩხვეს*)
გმირათ დაცემულს ბრძოლის ველზედა.

მას იცოდებდა რგვინვით ჰგოდებდა,
„შვიდ ღრუბლებით ცრემლს ღვრიდა ზეცა,
იმეორებდა რა დედის სიტყვებს
მოსთქვამდა ვადმით პიტალო კლდეცა.
(მიკვარდა კიდევ კლდის მეტყველება
ვგზომ მკაფიოდ ვისმენდი მეცა).

— „შვილო ბიჭიავ, ჩემო ვაჟკაცო,
ნაწყვეტო დედის სულის, გულისო,
ოხრად დამგდებო პარტახ ქოხმანის
და დედიშენის ცოდვით კრულისო.

ვისვან მოესპო შენს ტანჯულს მშობელს
შენი იმედი და შენი მზერა
რომელ მტარვალის ხელმა ჩააქრო
ასე უღმერთოთ ობოლი კერა?

შენის ცეცხლიდან დამწვარს შენს დედას
„ვკვდები დედაო“ თუ დუძახებ
როცა დაკოდილს სისხლი გდიოდა
იქნებ მწყურვალემ წყალიც ვერ ნახე.

მას ჩემთან ერთად უსმენდა მიწაც
ყველაფერ ამას მსაჯულის ყურით,
თანაც მღუღარე ცრემლთა ნიაღვარს
თავის ცეცხლის გულს აწვდიდა შურით.
რომ შეერთებულ ძაღთა სტიქიონს
ამოეხეთქა ქვეყნელით არხი
ქვეშ მოეტანა ქვეყნის ვარამი
ცხოვრების ლეში და დასამარხი.
თან ამ პროცესში მიწის ძვრისაგან
ვაკედ**) ქცეული კლდე და გორები
განიკითხავდენ დედის საჩივარს
არ დარჩებოდა გაუსწორები.

რაც მოგახსენეთ ქაჯთა მეფეო
ნუ გეგონება ფანტასტიური
ან ვინმე მგონის შემოქმედება
ზეშთაგონება, მადლი ციური.
მოციქული ვარ ჯოჯობეთიდან
ლოყებ დაკაწრულ მომჩივან დედის,
შვილის დამკარგველს რომ შვილის-შვილიც
აღარ დაუჩეს აზავე ბედის.


ბუტუნა.

**) ვაკე—სწორი.



) სანჩხვე (გურიისში) სათესლე-სამრავლო-სამემკვიდრეო

კახეთის რკინის გზაზე.



ლ. ი. შლიბტ

კონდუქტორი. მოითმინეთ ქალბატონო.

მგზავრი. რატომ? მესამე უკვე დარეკეს.

კონდუქტორი. არ შეიძლება შესვლა. ეს პარკი ბაგაჟთ უნდა მისცეთ.

მგზავრი. რაო? რედიკული ბაგაჟთ? შიგ ცხვირსახოცი მაქვს...

კონდუქტორი. რა ვქნა ბატონო, ბაგაჟთ უნდა მისცეთ. Это отъ не насъ зависить.

მარი ცხენი.

ივანე ხვიჩილაძეს ორი ცხენი ჰყავდა:

უფროსი, — „ლურჯა“.

უმცროსი, — „კულა“.

ლურჯაზე თითონ პატრონი ჯდებოდა, ზოგჯერ (იშვიათად) ვინმე საპატოო (და თანაც საიმედო პირს) მიაქირავებდა, თუ ათხოვებდა ხოლმე.

კულა, საზოგადო სათრეველა იყო. ის ივანეს ღუქანში ება, თითქმის უნაგირ მოუხდებოდა და ვისაც კი ცხენი დასჭირდებოდა, ყველა სარგებლობდა. უმეტესი ტანჯვა საბრალო კულას ფერშალი თედორესაგან ედგა, თუმცა მამასახლისი ზოსიმეც არ აკლმდა ხელს. საზოგადოთ კი იშვიათი იყო იმ უბანში კაცი, რომელსაც ერთხელ მაინც არ ჩაწყვეტოს გულ-ღვიძლი კულაზე ჩანჩალით. ყველა უმადური იყო იმისი ტარების, მაგრამ ყველა იმას ეპოტინებოდა, ვინაიდან იაფი და თანაც ადვილი საშოვარი იყო.

მიუხედავად ამისა გარეგნული შეხედულებას კულას მეგობარზე უკეთესი ჰქონდა და ვინც ახლო არ იცნობდა მათ ღირსებას, უეჭველია შეცთობაში შევიდოდა.

მეზუთე წელიწადია ისინი ერთად ცხოვრობენ და ჯერ არც უსიამოვნება მოსვლიათ, არც ხანტობილივით გამორეზიან ერთმანეთს. როცა სადამოთხი ოფლში გაწურული კულა შინ ბრუნდებოდა, მხებინათ მობალანე ლურჯა მხიარული ხეივანიით გზებოდა მას და მწუხარებას უქარვებდა.

როცა ევროპის ცაზე შავი ღრუბელი ჩამოწვა და პაერში წამლის სუნი დადგა, მეგობრები ერთმანეთს ღროებით ეთხოვებოდნენ. ივანე ხვიჩილაძე თავის ლურჯას მთაზე აგზავნიდა საბალახოთ, დასავენებლათ, ხოლო ბედშავი კულა შინ უნდა დარჩენილიყო და ყოველდღიური ქაპანწყვეტა ეწია. იმ სოფელში, სადაც ივანე ხვიჩილაძეს, გზა ევროპადინის ერთ-ერთ კუთხეში ობობას ქსენოვით ჩაედგა თავისი სავაქრო ღუქანი, გაზეთები თავის აქ მოსდიოდა. თუ საქონელს მოჰყვებოდა წლისხან სახვევ ქალაქად, ისიც რასაკვირველია მოედინებოდა თავის, თუ წლის წინანდელი და ყოველდღე ინტერესს მოკლებული იყო.

აღბად ამ გარამოებით უნდა აიხსნას, რომ თუ კულას, თვით ლურჯასაც ოდნავ არ ჰქონდა გათვალისწინებული პოლიტიკური მომენტის

სილიადე. კულტურულ ცენტრებში გავრცელებული მიმოთქმა მოსალოდნელი ომის შესახებ ამით სოფელს რამოდენიმე თვის შემდეგ თუ მოუწევდა.

აი, ამიტომ, სრულიად უწვეულო და თითქმის თავზარდამცემი დარჩა კულასათვის მოულოდნელით გამოცხადებული მობილიზაცია. სხვა ცხენებთან ერთად ისიც წაიყვანეს დანიშნულ ალოგას შესამოწმებლათ და გზაში ბევრი რამ უცხო და ახალი გაიგონა: გერმანია, ავსტრია, ფრანცია, ვილჰელმი, ბელგია, და თვით სიტყვა მობილიზაცია პირველად ესმოდა. ვის არ შეეკითხა, ვის არ მიმინართა მან, მაგრამ ვერავისგან ვერაფერი გაიგო, ვიდრე ზინგერის აგენტის ნაყოლ ოქროს ფერ ცხენს არ მიადგა. ის ამ ერთი კვირის წინ ჩამოყვანა პატრონს დიდი ქალაქიდან, სადაც უკვე იკოდენ ყველა ეს სიტყვები და ათასი კადვე სხვა, უფრო უცნაურები.

კულას ძლიერ მოეწონა თავლას გონიერი სახე, ჭკვიანური ლაპარაკი, მისი ღრმა ცოდნა მძიმე საგნებისა, მისი ლოდია და განსაცვიფრებელი მიხვრა მოხვრა, იმისი უბრალო ხასიათი, ძალდაუტანებელი თავდაქერილობა და პატივისცემასთან ერთად კულას გულში შურის გრძობამაც დაისადგურა

როდესაც იმისი ჯერი მიდგა, კულასაც მოუახლოვდა რამოდენიმე „პრისტავი“ (კულას აზრით ვისაც მხრებზე პაგონი ეკრა ყველა ბოქაული იყო.) გასინჯეს თავით ფეხებამდე, მოიწონეს და მიიღეს.

კულას ძლიერ ეუცხოვა ივანე ხვიჩილაძის წუხილი. მან გზაზედვე გადასცა რაღაც პატარა ლურჯი ქალაქი სოფლის მწერალს და უთხრა:

— ორი სიტყვა დახარჯე, მეტი არც უნდა, რავე დავიჯერო ამას მოიწონებენ და წაიყვანენო. ახლა, როცა კულა მედიდურად ჩაერია რჩეულთა შორის, ივანე ხვიჩილაძე მკვდარს დაემსგავსა. მწერალი განზე გაიხმო და რაღაცაზე ცხარე ლაპარაკი დაუწყო.

— ოჯო, შენ სადარდელი არაფერი გაქ. ამ გლახას გაშორებენ და ის კარგი ხომ სახლში გრჩება ეს სიტყვები ლახვარსავით მოხვდა გულში საბრალო კულას და ააცხცახა.

მეორე დღეს კულა და მისი მეგობრები უკვე რკინის ფზის სადგურთან იდგნენ და რაღაც გოგრებიან წითელ სახლში შეტყავდათ.

(შემდეგ იქნება)

ონისიმეს სიმამაცე.

(ამერუჟა სცენა)

— ერთხელ, ჩემო ალფეზ, გამეყვანეს ჩვენი „როტა“ საომრად და ჩასხეს აკოპებში. ჩავჯექი მეც. მევიგდე თოფი ხელში, და ვუცდი: როდის ამოყოფს გერმანელი „აკოპიდან“ თავს, რომ სტუცო შუბლში ცხელი ტყვია. თოფის სროლაა გაჩაღებული, ღუცბად იგრილა გერმანელების გაუბიჯამ და გამოაფურთხა ჩაენსკენ თავის უშველებელი ყუმბარა. ვხედავ მოდის პირდაპირ ჩვენი „როტისკენ“ ეს ვეება ტყვია-წამალი. „აბა, ონისიმე, თუ გინდა მიიღო ჯვარ მენდალი ახლა გამეჩინე ბიჭობა“ — გვეფიქრე და წამოვბტენი ზეზეთ. ესაა — უნდა დავარდეს ყუმბარა, და აგვიტანს კიდევ თელ „როტას“ ჰაერში. გვექვანე... ვკარი წიხლი შიგ ცხვირში და გამოვბრუნდი „აკოპებისკენ“. იბრუნა პირი ყუმბარამ, წვევიდა გრიალით და შიგ შუაგულ გერმანელების ჯარში გადაინა რეხვა...

— სტორა დადექი, ონისიმე... ჰო, მაგრე... უყურე ახლა ამ თოფს. ბერდენკაა, როგორც ხედავ. მე გამევისვრი და შენ ქე ჰკარი ხელი ტყვიას და ჩემსკენ დააბრუნე.

— აჰ, აჰ, აჰ! ნუ იზამ მაგას, ალფეზ ჩემო.

— ხა! ხა! ხა! რატომ, ბოშო? თუ კი გაუბიჯის ყუმბარას დოუდექი წინ და უკან გააბრუნე, „ბერდენკის“ ტყვიამ რაღა დაგიშვა, რომ არ გინდა ხელით დაქერა მისი?

— კი მაგრამ... იმე, შენ კაცო, ბერდენკის ტყვია ერთი ფინჩხაა რაღა დევინახო!..

გუგული.

საამდროო კუბლეტები.

გომახურის სამკითხველოს დაუშვია ყურები,
ძველ გამგეებს ფულსა სთხოვის ის, კუქ შენახურები.

ლანჩუთლების „სტარშინას“ უქებ „მამაცობას“...
რა ვუყოთ რომ ხანდისხან სჩადის მკლავადობასა.

მკლავაძე მეორეც გყავს: ქუჩის ლოთი ქებული, ძმა ბიჭ კორესპონდენტი ცამდე აფორთხებული.


ერთი ფთხვენით თეატრში ლაგამი წაიყარა და აქაურ მოვაჭრეს ტლინკები მიაყარა.

ბლომათა გყავს ჩარჩებიც მოვაჭრე შეშებისა... (იმთში იასონი ღირის არის ქებისა!)

შემის გამყიდველ მუშებს უგებს მახეს შარებსა და თუ კი მოახეჩხა არვის გაახარებსა

წელიწადი კარგი გვაქვს გამოხინკილებული. არცა ვსწუხვართ, არც ვსტირით ვცხოვრობთ დამშვიდებული.

კავალერი.



ახია ჩემზე.

(სტრანჯიკის ნაამბობი)

არეულობა, რომ დეიწყო, სტორეთ იმ ლიწადს გავათავე სამსახური „სტრელბის ზკით“. ჩავედი სოფელში და მითხრეს: —ახალ ბაში ჩიეწერეო. ვიკითხე:

—ჯამაგირს რას აძლევთ ახალთაობის კსოქინ?

— რას ვაძლევთ და აფერსო...

— არა ძამია, უფულოთ არც ახალი თაობა მინდა არც ძველი მეთქი... გვევდი „კანცელარიაზე“ და ჩვენს შუქრალს იმისთანა თხოვნა დავაწერიე ვისხედაც საჭირო იყო, რომე ქვას ვახეთქდა... მოგეცა ღვთის წყალობა, მალე „სტრაჟნიკის“ ტანისამოსში გამოწყობილი, ფალსაკითა და თოფით დავაქენებდი ცხენს ხან ერთს სოფელში და ხან მეორეში. ჯამაგირი ძაან სახარბიელო არ იყო, მარა გული სულ ასე მიჩივოდა:— შეიცა პაწიი რაცხას კი ვადიეყრებე, რაცხა კი ჩაგივარდება ხელში, და ერთ ხუთ ქცევა საყანე მიწას ვიყიდი, ერთს კას ვოდას დევიდებამი ვევეწყობი გემოზე და ჩემს ახალ თაობის მეზობლებს გულზე შევავტაბე მეთქი.

ერთი გზობა ჩემმა უმფროსმა „ლაპორტი“ გამატანა „ვეზნდი ნაჩანიკთან“. შემოგვკარი მათარახი ცხენს და ფრიწინ ფრიწინით წვევდი მოკენჭულზე, გვეიხედე, ვინცხა ლამაზად ჩაძკული ქალაქის კაცი მოსიერნობს. ვიფიქრე: აგი ვინცხაა, რაცხა დიდი სიცილისტი კი უნდა იყოს მეთქი და უბძანე, გაჩერებულეყო. ჩამოვხტი ცხენიდან, დავარტყი „ვობისკი“ და იხეღა „პორტმანი“ უნახე ჯიბეში, რომე სტორეთ ჩვიდმეტი ათასი მანათი ჩიეტეოდა შით. შევატყვე, რომე აქანე რაცხას კი გამოვრჩიე მეთქი და უთხარი

თუ მომცემ ას მანათს ვაგიშობ, თუ არა და დავიჭირებ მეთქი

დამიჭირეო, მითხრა.

შევევდი ცხენზე, ერთი-ორი მათარახი უთავზე ამას და გვეივდე წინ. მერე გზაში დუღწყე ვაქრობა, ასი მანეთიდან სამზე ჩამოვედი, მარა რა ბრძანებაა, კაპეიკი არ მომცა და აგიც მითხრა:

— მე შენ გიჩვენებ სიერს, როცა „ნაჩანიკთან“ მივალთო. ვიფიქრე მართლა აფერი ხლაფორთი ამიტხნოს მეთქი და გავათავისუფლდე, მარა თქვენიც არ მომიკვდეთ! გამომეკიდა აგი ჩემი „არესტანტი“ ფეხ და ფეხ და მომდეგს უკან.

პაწე ქე ევიბუძგე ტანში, მარა რა ვქნა ახლო, ვეღარ შევიშორე. ვიფიქრე, ვიფიქრე და ბოლოს ასე გადავწყვიტე: მართალია ჩემდა კი დეიკარგება, მარა მეტი გზაი არაა უნდა უთხრა „ნაჩანიკს“ რომ ჯიბეში „ბრაუნის რევოლვერი“ ჰქონდა მეთქი. მივედი „ნაჩანიკთან“, ოულე „ჩესტი“, მივართვი „ლაპორტი“, ამევიდე ჯიბიდან ჩემი „ბრაუნინგი“ დოუდევი სტოლზე და უთხარი:

— გზაში ერთი კაცი, დევიქირე „ვობისკი“ დავარტყი და აგი უნახე ჯიბეში მეთქი.

— „მალადეცო“ მითხრა მარა ვაი ამისთანა „მალადეცობას“. შემოვიდა ჩემი ტუსალი თუ არა, წამოხტა „ნაჩანიკი“ და უთხრა:

— **Ти что такъ скоро пришла-о?**


მაშენ კი ამივარდა მუხლებში კანკალი. დოუჯდა გვერდზე და მოუყვა ყორიფელს კაკლა კაკლად. „ნაჩანიკმა“ გადაატრიალა თვალები წამიურდა ცოფინასავით, იგი იყო უნდა მტეკებოდა, მარა ისევე ჩემმა ტუსალმა გადამარჩინა. გამიყვანა ცალკე ოთახში და დამიწყო მშვენიერი მუსაიფი ასე ნაირად:

— შე ვირო, შენა? ნაჩანიკი ჩემი სიძეა, იგი შენი „ბრაუნინგი“, რომ დოუდევი იქინე იმას მართლა მე წვეილებ, რადგანაც მოწმობა მაქვს და „ბრაუნინგი“ ჯერ არ მიყიდა. რაც შეეხება ჩემს ცემას, სამაგიერო არც შენ გაწყენს (და მართლაც ორი სილა იმისთანე გამცხო, რომ მთელ საათს ყურებს ჭული ჭული გაჰქონდა) მართალია სოცილისტი არ ვარ, მარა არც თლათ ხულიგანი ვარ. ახლა მე ვსთხოვ ჩემს სიძეს, რომ ყველაფერი ვაპატიოს, ხოლო იმ პირობით კი, რომ ვანცხადება შეიტანე სადაც საჭიროა და სამსახურიდან ვაბრძანდი.


ასე შეერცხენილი, გლანხული და თავსლაფ დასხმული ვამომავდეს სამსახურიდან. მივედი სოლოფელში, ახლა ჩემმა მეზობლებმა მიქნეს ბოიკოტი. აღარც ახალ თაობაში მიმიღეს და აღარც ძველში, ახია ჩემზე.

„რაც მოგივა დავითაო ყველა შენი თავითაო“

რ. ჯიბილ.




თეთრი ბლოკი.



პ. მილიუკოვი. ეგ რა ღვთის რისხვაა, რატომ არ მოიქვს?
 მაკლაკოვი. ვგონებ „ზეთი“ აკლია!

შავი ბლოკი.



მარკოვი II. — ბლოკი საუკეთესო ღირსების ეგ შავი ბლოკია! არა თუ სამინისტრო პორთბელს, თუ გინდა მთელ ღუმას ასწევს.

შარაღა

რადგან პასუხის უგებლათ
ალარ მისკემენ ნებასა.

ჩვენ რომ ფრინველის სახელი
ამ შარადისთვის გვჭირია
იგი თბილ ქვეყნებს არ ეძებს
ზამთარში უფრო ხშირია
ეტრფის გაზაფხულს, საამოს...
მზის ნახვა ისე სწყურია
რომ მას უგალობს ტკბილ კენესის
ვით მწყემსის სალაშურია.

ამ კითხვის ირგვლივ ტრიალებს
ქვეყნის აზრი და გონება...
ვნახოთ ვინ დასძლევს ბრძოლაში,
ან ვინ ვის დაემონება.

ბუტუნა.

მგონებმაც ხშირათ იციან
იმის სახელის ხსენება...
(მტერს რომ „შაება აჯობა“
აღბა? თქვენც მოგხსენება.)
ამ სახელს ერთი ასო აქვს
შვაზე კავშირის გვართა;
იგი მოვსწყვიტოთ ამ უამათ
არ გვინდა მოსახმარა.

გურული ენაკვიმატები.

III.

სირია გიგინეიშვილი.

რაც დავგრჩეს შარადისთვის
იგი უკლებლათ გვჭირია
და თანაც ქუთაისისკენ
უნდა ვიბრუნოთ პირია.
იქ მივალთ ერთი მცენარის
საპოვნათ, მოსანახათ...
იარალათაც ხმარობენ
საქმე თუ მიდის გლახათა.
რომლის ხმარების იმ ერთ ჯგუფს
ეკუთვნის მონაპოლია.
რადგან სამშობლოს დამცველნი
თურმე იმათში ჰყოლია.
თუ ვინმე ნახეს კრიტიკით
სიმაართლის მოუბარეთა
აღთქმულ მცენარის ძირებით
შელულს უზამენ ცხარეთა.

გადმოდმა გურიაში სირია გიგინეიშვილი დი-
დი ცნობილი აზნაური იყო. გურიელების აზნაური
მამისათან ერთად სასახლეში აღზრდილი, მწიგნო-
ბარი და დიდი ენა-მახვილი კაცი იყო. მოციქუ-
ლად, შვა-კაცად, საქმის გამრიგეთ სირიასთანა მო-
ქახრაკებულს ძნელად ნახავდით. მისი ენა სწო-
რედ ისეთი იყო შოთა რომ ამბობს: „გველსა ხვრე-
ლით ამოიყვანს“. შორს გამქვერეტი და ქკვიანი
კაციც იყო, როდის რა უჯობდა ყოველთვის მი-
ხვდებოდა. განმანთავისუფლებელ მოძრაობას აღ-
ტაცებით მიეგება. 70 წლის მოხუცი ახალგაზრ-
დებს ჰყვა და არც ერთ კრებას არ აკლდეოდა.
გლახებში ისე გაშინაურდა ეს გუშინდელი „ფეო-
დალი“ აზნაური, რომ ფარულ კრებებს ხშირად
თავმჯდომარეობდა. ბევრს არ სჯეროდა მისი გულ-
წრფელობა, ბევრმა კარგად იცოდა სირიის მწამსი:
„ამყოლს აყევი დამყოლს დაყევი“, „იქცეოდეს
შეისიე, შენდებოდეს შეეწიე“, „დათვი მოგერიოს
ბაბაი დაუძახე“ და სხვა. იცოდენ, რომ როცა სხვა
სიო დაბერავდა სირიაც იქით გადაიხრებოდა,
რჯულს გამოიკვლიდა, მაგრამ დღეს სირია ბელა-
დი იყო. არას სცოდავდა ვის რა ეთქმოდა.

უფროსიან ქვეყნის გინწმენდას
ცხოვრების განახლებასა

დაბერა ჩრდილოეთის ქარმა, ამოვარდა ქალი-
კონი, ავტატორის ადგილი ტოლმაჩოვმა დაიჭირა,
პრაპავანდისტის—მიქიაშვილმა. სირიას ქამელეო-
ნობაც გამოჩნდა, ისიც იმათ ბანაკს შეეხიზნა, შვა-
მავლობა დაიწყო და კიდევ შეეწირა მსხვერპ-
ლად....

იანვარია... ოზურგეთი უკვე გადანათეს... ტოლმიანგი თავის დამსჯელი რაზმით აცანის საზოგადოებაში დგას და ითხოვს ყველა მახლობელი საზოგადოებიდან იახლოს ქულზე კაცი საეკლესიო დროებში და ხატებით მორჩილება შეფიცონ. საზოგადოებებში კრებები იმართება. ირჩევა კითხვა იახლონ, თუ არა. ზოგი წინააღმდეგია ბრძანების ასრულების, ზოგი და მათ შორის სირიაც თავგამოდებით იცავს ერთგულების ტაქტიკას.

— სხვას კიდევ ხო კიდევ აქვს სათქმელი, მარა მიკვირს ამხანაგი სირია რა პირით ამბობს შერიგებას და დათმობას, ის არ იყო გუშინ რომ ძირს, ძირსო იძახოდა და ვინც მისი მომხრე არ ვიყავით ყველას მიწასთან გვასწორებდა, რეაქციონერს გვიძახდა.—პირში ამხელენ სირიას. სირია წარბ შეუხრებლად უპასუხებს:

— მატყუებდი—გატყუებდი, რავარც შენ გიყვარდი ისე მე მიყვარდი. ავი რა უნდა იყოს, აცანაში*) კი არა თუ გიბრძანა ქუთაისში ფორთხვით ახვალ. დავი უთხარი—დავბასე გითხრა, თუ შეგიძლია დავბაჩარე უთხარი და თუ არ შეგიძლია და „ნაგული“ გააძვირე გაფასდი...

პერპეტუმი მობილე.

კათეცვა სამეგრელოში.

სოფელ საბოკუჩაოში, გარდაცვილი ბოკუჩაივას დსაფლავების დღეს, „ერთა მიმართულების“ მიერ გავრცელებულ მავნე იდეის მატარებელ პირმა, ქელეხის წინააღმდეგ გაილაშქრა, რამაც მოხვევთა შორის დიდი ალიაქოთი გამოიწვია. შიკრბენ და დაადგინეს: პირველად ყოვლისა ვლებულობთ რა მხედველობაში იმ გარემოებას, რომ ჩვეულებისამებრ დიპელებულთ გვეგონა აქ ამ მშიერ კუქს ერთხელ მაინც გამოვიძღვდით. ამასთან ერთად (ერთი ქართველი „მკვლევარის“ თანახმად) ძველი ზნე-ჩვეულების მოსპობას აუცილებლად უნდა მოჰყვეს მეგრელი „ერის“ გადაგვარება-გადაშენება. ვადგენთ: არც ერთმა ჩვენგანმა და არც მონათესავემ რაგინდ შორებულთ იყოს, აქ საქმელი არ ქა-

მოს და არც „ზედაზე“ დალიოს. მასთან ერთად პროტესტს ვაცხადებთ ხსენებული იდეის წინააღმდეგ და პატივი და ღირება ძველი ზნე-ჩვეულების დამცველთ. აღსანიშნავია, რომ ასეთი ერთ სულოვანი გაფიცვა პირველია სამეგრელოში (ალბად თავისი ინტერესები ახლა შეიგნო ხალხმა?)

საქმეში ადგილობრივი პოლიცია ჩიერია და ნ მეთაურთაგანი საგუბერნიო ციხეში გაიგზავნა. ყველა ამით, როგორც პოლიტიკურ გაფიცვის მომწყობთ ალბათ 102 სტ. ძალით გასამართლება მოელის. დანარჩენებს ჯერჯერობით ვერ მიუღდენ, რადგანაც დამნაშავეები „დიდ ტალახში“ იფარადენ თავს. ამ დღეებში მოსალოდნელია ჩაფრები პაეროზლანებით დაესხან თავს... დიას ბ. ეშმაკო აღსრულდა! კართაგენი დაინგრა ჩვენი გლახობა პოლიტიკურ გაფიცვებში ჩაება?!

სათარხანი.

დსაგვლეთ საქართიველოს მევენახეთა საზოგადოება „ალექსანდროული“

ნ ივლინიდან დაიწყო

ღვინით ვაჭრობა

რაქა-ლეჩხუმის (ყიფიანის), სვირის, ქართლის და სხვა ღვინოები. ოლგას ქუჩა. ხახლი № 8.

ყოველდღიური საზოლიტაო, სამეცნიერო და სალიტერატურო გაზეთი

„თანამედროვე აზრი“

ფასი წლით 7 მ. ნახევ. წლ. 4 მ. 1 თვით 90 კ. ცალკე № 5 კ.

ადრესი: ფულის და წერილების გამოსავზავნი; Тифлиси почт. ящ. 199 Евгению Илларионовичу Уруццадзе.

კანტარა: თფილისი, ბარონის ქ. № 15.

ყოველდღიური სალიტ. და საზოლიტ. გაზეთი

„სახალხო ფურცელი“

ფასი წელიწადში 8 მ. 50 კ. ნახევ. წლ. 4 მ. 5 კ. 3 თვ. 2 მ. 25 კ. 1 თ. 75 კ. ცალკე № 5 კ.

ადრესი: Тифлиси, Гав. „Сахалхо Пурцели“ почт. ящ. 190

*) ეს ამბავი ჯურუყვეთში იყო, სირიას სოფელში.

მეგობარ ნარდოსნის ნაამბობი

(უძველესი ქუთაისის ნარდოსნებს)

უმაღლესი ნარდის მოთამაშე გახლავარ ვიცი მეც, მაგრამ რათ მინდა, ფული ისე მაქვს ჯიბეში, როგორც თათარს ღორის ხორცი. არა და რა ვქნა სული მიმდის. განა ბევრი მინდა ის ოხერი და ეშმაკის განენილი? სულ ძალიან ბევრი ხუთი მანეთი, სამსაც დაჯგერდები სად არის თორემ. ერთი ხელში ავიღო კამათელი და მერე მე ვიცი, აწი არა მკითხვით როგორი შემთხვევა მაქვს? ერთი ფულიანი კაცი მოვამწყვდიე „კოფენიაში“ ჩამოუარე აქედან იქიდან: ვსთქვი გუნებაში, ჰე ბიკო გეთხარე მიწა და სადმე იზოგენ საკონე მაინც. ვეცი ამას, იმას დავგრივარ ცოფიან ძაღლივით, ხუთ მანეთს ვინც მასეხებებს სამ წილსა ვპირდები, მაგრამ ვხედავ ტყვილა ვიღლები. რას ვიზამ, დარცხვენილი გულ შეწუხებული ისევ შეეყვები იმ ყუახანაში თავი, სადაც ის ფულიანი ვაფბატონი მეგულევა, ამოუჯექი გვერდით, გავედრიქე რაც შეიძლება, ძალიანი მივეფერე. თითქმის გაუცნობელივით არა ვინ ჩავვთვლის, ვხედავ ვინც ეთამაშა ცოტ-ცოტა ყველამ ჩამოყაქა მოდი გაუბედო უფულოდ თამაში? რაც იქნება იქნება, ვხედავ წინდაწინ არ თხოულობს „კონს“ რაღა ჩემთან გაუწყრება ღმერთი, მე რაღა მომთხოვს! მართლაც სურვილი ამისრულდა დამეთანხმა, ჩაუჯექი სათამაშოდ. ვინც სამ ხელს გააკეთებს, ის გებულობს ხუთ მანეთს. ვნახოთ ეს ჩემ სასარგებლოდ გათადა, მოვიგე ერთი ხელი, იღებს ხუთიანს და მძღლის, მე არ გამოვაართვი: აბა რა საკადრისია მომცემ ვიცი, თუ თამაში გინდათ, განვახლებთ, განვახლებთ თამაში, გარს გვახვევია მაყურებლები. დასწყევლა ღმერთმა სუნი თუ ეცათ. გაჩნდნენ ჩემისთანანი სიღანაც იყო, ამომიჯდნენ გვერდში დამიწყეს აღურსი. ოჰო შეილოსა სად როგორ გაუბი მახე? ძალიან პური გიშოვნია, მეორემ ერთი მუჯღლუგუნი მითავაზა და მითხრა: ცოტა მეც უნდა მინაწილოვო, კარგი მომშორდით ნუ მიშლით ხელს, აბა სად მიწაში წავიღებ? კიდევ კარგი ჩემს მოპირდაპირეს ჩვენებური არ ეყურებოდა. ერთი შენ, წადი რომელია, ჩვენც წილი გვიღვეს, რასაც მოიგებო“ მეოთხე ჩავვერია დაგვიწყა დარიგება: კარგი გაუშვით ნუ უშლით ხელს ნეტავ მოიგებდეს ერთი ხეირიანად მაინც გაა

დავკრათო. ასე ამ მორიგ მორიგებში დავიბენი და და წავაგე მოგებული. გამიწყრა ღმერთი, წავაგე ერთი ხელი, მეორეც, ეხლა ათი მანეთი ერგება. თუ მომთხოვა, რა ვქნა არ ვიცი ძლიერ ვიტანჯები ვი სირცხვილო? ვინ ოხერს უნდა მოგება! თავი შემექნა ამოსახსნელი, რა ვისაშვალო არ ვიცი! მარტო ვიყო კილო ჰო იქნებ დავიყაბულო როგორმე, თუ გამიჯიუტდა რა შევქნას მივეცემ? მაგრამ უბედურება ისაა სავესე ხალხით. ათის მოგების შემდეგ არ სურდა განეგრძო თამაში, მაგრამ შევიხართრე, ურჩიე: მოდი ათი მანეთი ერთად მოვიდეს სამი ხელის მაგიერ ხუთი ხელი ვითამაშოთ მეთქი. ძლივს ძლივობით დავიყაბულე. ვთამაშობთ, მარა ვხედავ მიწყრება ღმერთი, სამი ხელი მან გააკეთა, მე კი არაფერი ვარ. ჯერ ვეცი აქეთ იქეთ, ჩემს გვერდში მჯდომთ დაუწყე ჩხუბი გლახა ფეხი გქონათ რაღა მაინც და მაინც აქ მოკალთლით და აღარ ინძრევით ადგილიდან: გვიარ გამოიარეთ. იქეთ მეყავეს დაუბრილვე თვალეები, შე ოხრის ტიელო, რა საძაგელი კამათლებია, რასა ჰგავს ესენი? მომიტანეთ სხვა, ეს კამათლები სახეზე შევეყარე, ახალი კამათელის მოლოდინში ვართ, მაგრამ რაკი დაგვიანა მეყავემ „კამათლების“ მოტანა წავავლე ნარდს ხელი ვადვისროლვე და ნაფოტივით ვაქციე შეიქნა ერთი ჩხუბი მეყავე და ჩემს შორის, ეხლა ისიც მოვიმატე. დამიწყა ნარდის ფულის თხოვნა, ცალკე ჩემმა პარტნიორმა, მე მოვსთხოვე მეყავეს ნარდი მერე მიუბრუნდი ჩემს პარტნიორს და უთხარი: ხედავ ჯერ არ გამოთავებია ხუთი ხელი, როცა გააკეთებთ რაღა თქმა უნდა თუ მოიგებთ ოც მანეთს მიიღებთ მეთქი. მან მითხრა, ათი მანეთი აღრევე მაქვს მოგებული მეორე ათ მანეთსაც ხედავ ვიგებ რადგან მე უკვე სამი ხელი გავაკეთე და შენ კი ჯერ არც ერთიო! მაგრამ მე არა ვთხოვ ამ მეორეს, და პირველი კი უნდა მომცეთო. მე უთხარი: ერთი სიტყვიო, სანამ არ დაასრულებთ ხუთივე ხელს ერთი კაპეიკის მომცემი არა ვარ მეთქი, მეტი რა გზა ქონდა რაკი არ ვეშობოდი ახალი ნარდი მოგვეცეს, ეხლა უფრო საინტერესო გადაიქცა ჩვენი თამაში. მაყურებლებმა უფრო მოიყარეს თავი, ოხ ღმერთო რამდენი სიმწრის ოფლი ვაქციე! ხელი ამიკანკალდა, გულის მდგომარეობა რაღა საკითხავია! ამ დროს უცბად მოტრიალდა საქმე ჩემ სასარგებლოდ. სწორედ მართალი ყოფილა ბრძნული თქმულება. ღმერთი არ გასწირავა კაცსა შენგან განაწირსაო. ქე არ მოვიგე?

პოს დემტო ჩემო, როგორი სიხარული ვიგრძენი! ამას ვერ გამოსთქვამ. ჩემმა „პარტნიორმა“ დაჰყარა ქვეები ნარდზე და საჩქაროთ მომშორდა, მე კი დავჩრჩი. ჯერ ჯერობით აღვიღიდგან არ ვიძროდი რადგან ნარდის ფული უნდა გადამეხადა და რაკი ფული აღარ მქონდა, ერთი ნაცნობის თავმდებობის ქვეშ ვიქენი განთავისუფლებული, იმ პირობით რომ ვალდებული ვიყავი ხუთი მანეთი უნდა მიმეტანა მეორე დღეს მეყავისათვის. მე კი მგონია ვერ მოვიქეცი რიგიანად, ფულის გარდახდა კი არა და თვალთაც არ დავნახებივარ როგორც მეყავეს აგრეთვე ჩემს თავმდებოსც. გადავსწყვიტე რაც უნდა უსინდისო არ მიწოდოს ჩემმა თავმდებამ, თუნდაც ჩემი მეყავე კი არა და მთელი სუხუმის მეყავეები ზედ მიმეტონ და აღარ შემეშვან მათს „კოფენიე-ბში“ მე მიინც მისი გადამხდელი არავარ და არა.

ძუკუ ლოლუა.

მთხსენება

სოფ. ჭავჭავიანი

პავლიამ უთხრა პეტრის: —იცი რა, ჩემო ძამია, ხედავ, დავეიღვა საქანქრო და სანეტარო ჟამია. სიმინდი დიდად გაძვირდა, ყველგან და ყოველ მხარეში. და ეხლა გვმართებს ბიქობა და ვაჟკაცური თარეში. ჩვენც აუწიოთ სიმინდსა ერთი-ორათა ფასები, გავჰკრათ, გამოვჰკრათ მაზანდას კლანქები, სასტიკ ბასრები. ნულა დავზოგავთ ნურავის ყველას გავაძროთ ტყავები, ისედაც ტანჯულ—ვემულეებს ჩავაცვით ძაძა შავები.

პეტრიამ უთხრა: —„პავლიავ, შენ გენაცვალე სიყმეში, შენსა უმანკო სიყვარულს ვატარებ გულის სიდრემეში! შენ ხარ აწ ჩემი იმედი,

ჩემი ხატი და ჯვარია... ეს უბედური სოფელი ჩვენი საკრეჭი ცხვარია; ამ სიტყვებით პეტრე დიდი, პავლე დიდსა გაეყარა, და პირველმა ეს ამბავი მისებრ ჩარჩებს მიახარა.

ჭავჭავიანი ბიჭი

დიდი ჯიხანიში.

ემშაკო; ჩემო ბიძია, მამისა შენის ღებნასა, სტივრი მათხოვე, დაუკრავ, ავანბატკილებ ენასა; კომიტეტს მოვინახულე, უწვეროსა, თუ წვერასა, და ვეტყვი მამაშვილოურად: —ერიდეთ ხალხის წყენასა; პირადი ანგარიშებით, „ქსენონ“ ნუ აძლევთ ვნებასა, თქვენ, თქვენს ქკუაზე დაღიხართ აჭკიდებიხართ ბელასა და ანგარიშებს არ აძლევთ ვისაც სჭირია ყველასა. შეშტერებიხართ, ვით ფინა, ბუმბერაზ სოფლის მელასა იმის ჰანგებზე, ბუქნაობთ, იმისგან ელით შევლასა? ქსენონ აფთიაქს კი ჰლუპავთ (ვით ფური მონაწველავსა)

კიკოლა ბიჭი

დეპეშები

ს. ცაიში. შავი ზღვის რკინის გზის გამგეობას გამოუგზავნია პროვიზორ ილიკო მეუნარგიას სახელზე ანონიმური წერილი, რომელშიაც იწერება, რომ თუ გნებავთ „ლორწველებს“ როგორც სკოლას, ისე სადგურსაც წაართმევთ, რადგან ლორწველების ვეკილებმა ესტატე და ლადიმ ვასილის მეთაურობით თავის მონდობილობაზე უარი განაცხადესო და ასეთმა საქმის მდგომარეობამ შესაძლებელია თქვენ სასარგებლოთ იმუშაოსო. შეეცადეთ რამეფერად მეორე სადგურიც „ცაცხვის“ ახლოს

ითხოვოთ. ილიკომ მიმართა ყოველგვარ ზომებს და დარწმუნებულნი ვართ თვით „ემშაკის“ და მისი კულის დახმარებით განახორციელოს ეს კეთილი საქმე.

ჩქინიშელი.

ს. ხეთა ცნობილი საზოგადო მოღვაწე და ხეთელების მეტათ სასიამოვნო მამულის შვილი „თადა“, რომელიც გაუგებარ პირებისგან ღებულობდა წლიურად ჯამაგირის სახით ათასმდე მანათს, გარდაიცვალა. საზოგადოებამ დადენის გვირგვინი უძღვნა ასეთი შრომისთვის. წარმოთქმულ იქნა გრძნობიერი სიტყვები. ყველა დაწესებულებიდან მოდის სამლოცოვარო ღებულები.

კორცხო.

ხორვა. ხორგელები ხობელებს ემუქრებიან: ჩვენ გიმნაზიას გავაღებთო და თქვენ პირველ-დაწყებითი უმაღლეს სკოლას წაგართმევთო. საქირა ემშაკის ჩარევა, რომ რამეფერად შეარჩოს მებრძოლნი ერთმანეთს ისე, რომ ან პირველი, ან მეორე ხობელებს მაინც დარჩეს.

ნამღვილირე.

ხეთა. გამოგდებულ მედაფითნე მიხა ტურავას ორი ადგილი მიუღაა, მხოლოდ არ იცის რომელი დაიჭიროს. მღვდელი საჯაია შერიგებას თხოულობს და სთხოვს ერთი შენი ადგილი მე დამითმეო. ვინ იცის, თუ როგორ გადაწყდება საქმე. საფიქრებელია საჯაია ტურავას იმედით უადგილოთ დარჩეს და უფრო სამწუხარო ის იქნება, რომ უდრამოთ წავიდეს, მიუხედავთ იმისა რომ იგი ყოველ დღე სასამართლოს კარებში დგას

ნამღვილირე.

დ. აბაშა. რადგანაც ბ. კანდელაკის აფთიაქში დამზადებული წამალი სხვა და სხვა მიზეზებისა გამო ნაკლებ საიმედოთ იქნა ცნობილი, ამიტომ ადგილობრივმა სანიტარულმა კომისიამ მოიწვია ვიღაც სუჯუნელი ებრაელი, რომელსაც ბ.ბ. კომისიათა აზრით ჩინებული დამზადება სკოდნია ყოველგვარ წამლისა.

ჯერჯერობით წამლები მზადდება და იყიდება პარასკეობით საიარმუკო მოედანზე ზემოხსენებულ პირთა ხელშეკრულობის ძალით ებრაელის შემო-


სავლის, ერთი მესამედი დაბის ბიუჯეტში შედის, რამაც ადგილი მოსალოდნელია ჩვენი დაბის ეკონომიური მხარე ისე შესცვალოს, რომ სხვა მასობელ ქალაქებს გაასწროს წინ. და ეს იმიტომ, რომ არც ერთი მეომარი მტრის ჩვენ არ გვეშინია, რადგანაც უზრუნველ ყოფილი ვართ ტალახით. ამ საუკეთესო მოკავშირის გაძლიერებას დღითი დღე ვწყობთ ხელს და იმედი გვაქვს ჟამსა განსაცდელისასა ჩვენ მიერ უკუქცეული იქნება მტრის ჯარი; ამნაირად ბ-ნო ემშაკო, რაკი დაბის ნორმალურ ცხოვრებას ხიფათი აღარ მოეღოს და, რაკი წამლები მზადდება მხოლოდ აგურისა და კენკები-საგან, და რადგანაც თვითველ აგურში ბ. ებრაელი ჯერჯერობით 7-8 თუმანს იღებს და ფაქრობს, ომის მიზეზით კიდო გაადიდოს ფასები, ამიტომ ბ.ბ. კომისიებმა გადასწყვიტეს, რომ საიარმარკო მოედანზე გააშენონ აგურის ქარხანა და სააქიმო ლაბორატორია. ჯერ-ჯერობით, მხოლოდ მღვდრობით სქესის ავთამყოფს ღებულობს ბ. ექიმი!.. ავთამყოფი წამლის მიღებისათანავე სამუდამოთ თავისუფლდება, ყოველგვარ ავთამყოფობისაგან.

—ხანი.

ჭიათურა. ქიათურის შავი ქვის მრეწველთა საბჭოს სახალხო ბიბლიოთეკა-სამკითხველოს ახალ ბინის აშენება ისე სწრაფად სწარმოებს ტენიკოს ბ. ირაკლი დეკანოზოვის მეთაურობით, რომ სრული იმედია მომავალ წლის 30 თებერვალს მზად იქნება.

იქიდანვე. ამავე შავი ქვის საბჭომ, ტენიკურ განყოფილების შეთანხმებით, თავის უკანასკნელ კრებაზე (ქიათურაში) დაადგინა: „ესცანიოთ საქიროდ, დაბა ქიათურის ცეპელინებისაგან თავდასხმის ასაცილებლად, სამუდამოთ გაუქმებულ იქნას ბიბლიოთეკა-სამკითხველოში ელექტრონის განათება. ამის მაგივრად მეტად განათებულ იქნას „ბაქარ-მაკაო-ლოტოს“ მოტრფილეთა საბუღარი კლუბი. ამ დადგენილების გამოცხადებას ჩვენი „ბაქარ-მაკარისტიბი“ ოჯახობით ტაშის ცემით მივგება;

კულიანი.



აღსასრული აღნიშნის ტანჯვისა!

სუსუნათის წამლობა.

ნ წელიწადი გავიდა, რაც ჩემი გამოგონილი წამალი „რაპიდი“ გასასყიდად გამოვიდა, სამკურნალო ბაბკოს ნებართვით № 1295, სუსუნათის წამლობისთვის, როგორც მაგარი, ისე ხრონიკულისა. ამ ხნის განმავლობაში „რაპიდი“-ს პრეპარატით ათასობით ავადმყოფი სრულიად განიკურნა, რომელთაგანაც სამადლობელი წერილები მაქვს. წამლობის ასეთი ნაყოფი უფლებას მაძლევს, პრეპარატი „რაპიდ“-ი, როგორც ყველაზე არსებითი და სწრაფად მომქმედი საშუალება ამ სნეულებისა, ვურჩიო ყველას.

უკანასკნელ წლის დაკვირვებამ კვლავ დაამტკიცა, რომ „რაპიდ“-ის პრეპარატი წამლობის შემდეგ სუსუნატი რომ არ მორჩენილიყოს ამისთანა შემთხვევა არ არის, ამისათვის ვადაპირით ვაცხადებ, რომ რაც უნდა ხანგრძლივი იყოს ავადმყოფობა ჩემი გამოგონილ საშუალებით სამ კვირაში წამლობა საქმარისია სუსუნათის მოსარჩენათ, და „რაპიდ“-ის შემწვობით სრულიად მორჩენილად უნდა ჩაითვალოს.

მართალია, უკანასკნელ წლებში სუსუნათის (გონორეი) წინააღმდეგ ბევრი საშუალება გამოჩნდა, რომელნიც ჩქარა და არსებით განკურნებას ჰპირდებოდნენ და ავადმყოფთ, შესაძლოა, გულიც გაუტყდა ამ წამლობის უნაყოფობით და სამართლიანად შეუძლიანთ ეჭვის თვალთ შეჰხედონ ჩემს წამლოსაც — ამ შემთხვევაში მამოს ყურადღებას იმ გარემოებაზე მივაქცევ, რო ჩემი რწმენა „რაპიდ“-ის უებრობაში და ჩემი დაპირება ლიტონი სიტყვა რომ არ არის, ამის დასამტკიცებლათ ყველას, ვინც ჩემგან პრეპარატ „რაპიდ“-ის ორს ორმაგ ფლაკონს (წამლობის მთელი კურსი) დაიბარებს, წამალთან ერთად ეგზავნება ჩემგან ხელწერილი, რომ უკეთუ არ მოარჩინოს, ფულს უკანვე დაუბრუნებ.

ნიმუში ჩემის ხელწერილისა: „მე, ამისა ქვემოთ ხელისა მომწერილი, ამ ხელწერილს ვაძლევ ბატონს (აშას და აშას) იმაში, რომ მიეყიდე რა მას ჩემი „პირად“-ის ორი ფლაკონი, სუსუნათის წინააღმდეგ, თავდები ვარ, რომ ოცი დღის წამლობის შემდეგ ეს სნეულება სრულებით გააქრება. თუ აღნიშნულ ვადაზე რომელიმე ლაბორატორიაში შარდის გამოკვლევის შემდეგ აღმოჩნდება განუკურნებელი, მაშინ ვაღიბებული ვარ რვა მანეთი დაუბრუნო“ (ხელ. მოწერ.).


ზემოდ მოყვანილ ცნობას, რომ ბევრს განკურნებულ ავადმყოფებისაგან სამადლობელი წერილები, გადავწყვიტე ჩემს განცხადებებში მოვათავსო ხოლმე ახალი მადლობის წერილები. ამ წერილების დედანი (აუარებელი) ჩემთან ინახება და ყოველს მსურველს შეუძლიან მააი ნახვა. წერილების სინამდვილეში თავდები ვარ, თუ რომელიმე მათგანი დედანს არ ეთანხმება, ვაღიბებული ვარ, ვადავიხადო 1000 მანეთი რომელიმე საზოგადოების სასარგებლოდ.

17. მ. ხ. ბ-ნო დელამურე! დიდად გმადლობთ თქვენი წამლის „რაპიდ“-ისათვის, რომელმაც ერთბაშით იქონია კარგი გავლენა. ძნელია განცხადების დაჯერება, მაგრამ თქვენი განცხადება კომერციული მოსაზრებით არა ყოფილა, არამედ ავადმყოფს განკურნებას ურჩევს, ამაში თვითონ დავრწმუნდი, განმეორებით გიხდით მადლობას.

ნოვგოროდი 14 მარტი, 1914 წ. პ. ნ. პ. ნ.

წამლობის სრულ კურსის, ორმაგ წყვილ ფლაკონის და კოლოფ პილულის ფასი ცხრა მანეთი. ვაგზავნით და ფასდადებით ათი მანეთი. ფასდადებით ვაიგზავნება მხოლოდ მაშინ, თუ ბედ წარმოადგენენ 3 მანეთს.

Съ требованіями и заказами обращаться исключительно кавказское отдѣленіе Московской Лабораторіи М. Деламури. Тифлисъ Эриванская площ. Пушзинская 3 отд. 3/м. верхній этажъ.



— ვენაცვალე იმის ვინც ღვინო აკრძალა; პირ-
დადლი ვიყო თუ აწი მე მის სმას დაუბრუნდე.
თვალეები ახლა ამეხილა! ჰაი დედასა სად ვიყავ აქამ-
დი, რამდენი ფული გავფლანგე ი „ბედვლებში“
ქეიფობით, რამდენჯერ ცხარე ცრემლით ვიტირე
კოლმეილი. რამდენი აყალ-მაყალი ამიტენია, რამ-
დენჯერ მცემეს და ვირის აბანოში ჩამსვეს, ამეებს
ვინ მოსთვლის. აი ხედავთ საწყალო სერგუას? ოსტა-
ტი კაცი ღვინის სმამ როგორ დაღუბა, რუსის „ბა-
სიკათ“ გახადა. მე კი ღმერთმა დიდი დღე მისცეს
ლაღობეს ვსვამ მხოლოდ მისი ქარხნის წყალს, ეს
ლიმონიაო, ეს ფორთოხალიაო, ეს მარწყვიაო, ყვე-
ლა ერთი მეორეზე უკეთესი, ბროლივით ანკარა,
ვარდზე უფრო სურნელოვანი და თაფლზე გემრი-
ელი. არც თავს ვატკენს, არც გულს და არც ჯი-
ბეს. ფიზულათაც ვარ და ჯანსაღათაც, არც ვინმეს
ვცემ და აღარც მე მცემენ — ეკონომიაა რაღა!

